

17 AUG 1997

PENUNGGANG DAN PEMBONCENG MOTOSIKAL MAUT DALAM KEMALANGAN

TEMERLOH, 17 Ogos (Bernama) -- Seorang penunggang dan pembonceng motosikal terbunuh apabila motosikal yang mereka naiki berlanggar dengan sebuah bas ekspres di Km 144, Jalan Kuantan-Kuala Lumpur dekat Lanchang di sini petang ini.

Ketua Daerah Polis Temerloh Pemangku ACP Tan Seng Eng ketika dihubungi berkata mangsa dikenali sebagai Mahathir Abu Hassan, 22, dari Kampung Lengkong, Lanchang dan pemboncengnya Zalina Abdullah, 19, dari Kampung Dala, Lanchang.

Kedua-dua mereka mati di tempat kejadian akibat kecederaan teruk dalam kemalangan kira-kira pukul 2 petang itu.

Menurutnya, Mahathir dari arah Mentakab ke Bentong dikatakan cuba memintas kenderaan di hadapannya tetapi tidak sempat dan bertembung dengan bas ekspres dari arah bertentangan.

Bas itu dalam perjalanan dari Kuala Lumpur ke Temerloh. -- BERNAMA.

ZY RON